

Ապարամ

Հիմնադրված է 1991 թվականին: 8 (349) 17-30 ապրիլ, 2014թ.



Ե Ր Կ Շ Ա Բ Ա Թ Ա Թ Ե Ր Թ

ՀՀ Դաշնակցության Արցախի Կենտրոնական Կոմիտեի պաշտոնաթերթ

Մենք համացանցում

www.aparaj.am

Խմբագրական

Ցավ եւ իրավունք, որունք անժամանցելի են

Ամեն տարի այս օրերին ինչպես համահայկական, այնպես էլ միջազգային տարբեր հարթակներում ամենաքննարկվող թեման Հայոց ցեղասպանության ճանաչման, դատապարտման, հատուցման, ինչպես նաեւ Թուրքիայի՝ շարունակվող ժխտողական քաղաքականության վերաբերյալ հարցերն են: Տարբեր բեմերում այդ հարցերը տարբեր տեսանկյունից են դիտարկում:

Գաղտնիք չէ, որ աշխարհի գերտերությունների համար վաղուց Հայոց ցեղասպանության թեման խաղաթուղթ է հատկապես Թուրքիայի հետ հարաբերություններում շահարկումների համար:

Հայոց ցեղասպանության 100-ամյա տարելիցի 2եմին ընդառաջ՝ Թուրքիան սպասվող ճշումներին ի պատասխան արդեն սկսել է հակահարված տալ դեռեւս առանց լուրջ հարված ստանալու:

Վերջերս Թուրքիայի վարչապետի հայտարարությունն ապրիլի 24-ին ընդառաջ աշխարհում կարծես ընկալվեց որպես սառույցի հալման եւ հանդուրժողականության ծեստ:

Սակայն հայկական կողմի համար պարզ էր, որ այն ոչ թե զղջման կամ հանդուրժողականության, այլեւ հայկական դիտանկյունից նուրբ եղանակով Թուրքիայի ժխտողական նենգ քաղաքականության ամրագրումն էր:

Հայոց ցեղասպանության ուղղությամբ տարվող պայքարը հայկական աշխարհի համար թեւակոխում է մի նոր փուլ՝ հատուցման եւ պահանջատիրության փուլ:

Հայ Ցեղափոխական Դաշնակցությունն իր ծրագրում անդրադառնալով Հայ ժողովրդի պատմության հողովույթի ներկա հանգրվանին, հաստատում է.

«Միջազգային օրենքը, Միացյալ Ազգերի Կազմակերպության Կանոնադրությունը եւ Մարդու Իրավունքների հայտարարությունը, մասնավորապես, Ցեղասպանության մասին ՄԱԿ-ի 1948-ի համաձայնագիրը՝ ցեղասպանական արարքները հայտարարում են ոճի մարդկության դեմ եւ դրանք հետեւանք հանդիսացող ազգային հողերի յուրացումը նկատում ապօրինի: Միջազգային այդ օրենքներն ու համաձայնագրերը անժամանցելի են եւ հետադարձ ուժ ունեն, հետեւաբար՝ ի գործ են հին, թե նոր բոլոր պարագաներում: Ի նպաստ բովանդակ մարդկության եւ համաշխարհային խաղաղության՝ դրանք պետք է գործադրվեն իրենց տառով ու ոգով, նախ՝ արդարություն գործելու ցեղասպանության գոհ դարձած ազգերին, ապա՝ կանխել նոր ցեղասպանությունները եւ մարդկությանը խնայել նոր աղետներից»:

Պետք է գիտակցել եւ ընդունել, որ Հայ Դատի լուծումը ոչ միայն արդարության, Ցեղասպանության դատապարտման ու պատժման գործնական արտահայտություն է, այլեւ միջազգային իրավունքի հարց՝ ազգային իրավունքների վերականգնման անկապտելի սկզբունքի հիման վրա:

Հայոց ցեղասպանության 100-ամյա տարելիցին ընդառաջ եւ երբեւ՝ մեզ համար մեկ բան պարզ է. մենք պահանջատեր ենք, եւ մեր նպատակներն ու խնդիրները անփոփոխ են՝ ներկա Հայաստանի Հանրապետությունը Հայաստանի Առաջին Հանրապետության իրավաժառանգորդն է, որի սահմանները հստակորեն ընդգծվել են Սեւրի պայմանագրով, իբրեւ այդպիսին, հայկական բռնազարկված բոլոր տարածքների օրինական իրավատերն է:

Չպետք է մոռանալ, որ Ցեղասպանությունը լայն իմաստով շարունակվում է, քանզի Օսմանյան Թուրքիայի կողմից իրագործված ցեղասպանության հետեւանքով նաեւ հազարավոր հայեր զրկվել են իրենց հայրենիքում ապրելու իրավունքից եւ առայսօր զրկված են դրանից:

Այս ամենը հաշվի առնելով՝ պետք է արձանագրել, որ Հայ Դատը ունի պատմական, բարոյական, իրավական եւ քաղաքական կողմեր ու հիմնավորումներ, եւ իր հիմնական կետերը, ի լուր ամբողջ աշխարհի, պետք է հայտարարել, որ մինչ օրս արդիական են՝ Ամբողջական Հայաստանի ստեղծում, Սփյուռքի տարագիր հայության համախմբում իր հայրենի հողերի վրա, Ազատ, Անկախ եւ Միացյալ Հայաստանի կերտում:

Սա հայ ժողովրդի անժամանցելի իրավունքն է:



Արցախի երիտասարդները պահանջում են հատուցում Չահերով երթ Ստեփանակերտում

Ապրիլի 23-ի երեկոյան Ստեփանակերտում ՀՀ Կրթության եւ Գիտության նախարարության եւ «Արամ Մանուկյան» ուսանողական միությունների նախաձեռնությամբ տեղի է ունեցել ավանդական դարձած պահանջատիրական շահերով երթը:

Ավանդական դարձած երթին մասնակցում էին ՀՀ Կրթության ԿԿ անդամներ, Աժ Դաշնակցություն խմբակցության անդամներ, ԼՂԶ մշակույթի եւ երիտասարդության հարցերի նախարար Նարինե Աղաբալյանը, պետական այրեր, հասարակական, երիտասարդական կազմակերպության անդամներ, երիտասարդներ եւ այլն:

Ստեփանակերտի Սուրբ Հակոբ եկեղեցում Հայոց ցեղասպանության գոհերի հիշատակին մատուցվեց հոգեհանգստի կարգ, որից հետո Հայր Սահակ վարդապետ Շաքարյանը հանդես եկավ ելույթով: Նա իր վստահությունը հայտնեց, որ Հայոց ցեղասպանության պահանջատիրությունը չի ծերանա, քանի որ այսօրվա երիտասարդը պահանջատեր է եւ ավունով լեցուն:

«Մենք այսօր եկել ենք այստեղ՝ պահանջելու մեր իրավունքը: Այսօրվա Թուրքիան Օսմանյան կայսրության իրավահաջորդն է եւ պետք է հատուցի, բայց այսօր նա մերժում է իր իսկ հայրերի գործած հանցանքը եւ Եվրոպայի դուռն է թակում՝ ցանկանալով լինել նրա մի մասը: Սակայն եղբայրասպան Կայենի պես նրա ճակատին խարանված է հանցագործի դրոշմը: Նա մեղք ունի քաղցր՝ նախքան միջազգային հանրության ջերմ ընդունելությանն արժանանալը: Երիտասարդ, այսօր քո մեջ է շաղախված մեր մորթված քույրերի ու եղբայրների, տատիկների ու պապիկների ոգին, եւ դու պետք է ստիպես եղեռնագործ Թուրքիային՝ ճանաչել եւ փոխհատուցել մեր անմեղ գոհերի համար»,- ասաց նա:

Եկեղեցու սուրբ կրակով վառվեցին առաջին շահերը եւ խաչը, որն առաջնորդում էր երթը՝ ի նշան նահատակված գոհերի հիշատակի: Չահերով երթի մասնակիցները Ստեփանակերտի

կենտրոնական փողոցներով շարժվեցին դեպի Ստեփանակերտի հուշահամալիր:

Երթի մասնակիցներն իրենց հետ տանում էին «Թուրքիայի ձեռքերը արյունոտ են», «Պայքար հանուն արդարության», «Ոչ արձանագրություններին», «#Save Kessab», «Ժխտողականությունը տանում է նոր հանցագործությունների», «Ճանաչում, դատապարտում, հատուցում»՝ հայերեն եւ անգլերեն լեզուներով պաստառներ: Երթի ընթացքում մասնակիցները վանկարկում էին պահանջատիրական կոչեր եւ երգում հայրենասիրական երգեր: Սբ. Հակոբ եկեղեցուց նրանք շարժվեցին դեպի Ստեփանակերտի Հուշահամալիր:

Երիտասարդները, ի բողոք Թուրքիայի եւ Ադրբեջանի կողմից իրագործված ցեղասպանության եւ շարունակվող ժխտողական քաղաքականության, այրեցին Թուրքիայի եւ Ադրբեջանի դրոշները:

Ստեփանակերտի կենտրոնական փողոցների շենքերի բնակիչները, որպես հարգանքի տուրք, մոմեր էին վառել իրենց պատուհանագոգերին եւ պատշգամբներին:

Ստեփանակերտի Հուշահամալիրում ՀՀ ԱԿՄ-ի Վարիչ մարմնի ներկայացուցիչ Վահրամ Հովսեփյանը, դիմելով հավաքվածներին, նշեց, որ ՀՀ ԱԿՄ-ի կողմից ամեն տարի ապրիլի 23-ին կազմակերպվող շահերով երթը միայն մեկ նպատակ է կրում՝ ցույց տալ համայն աշխարհին եւ, մասնավոր, թշնամուն, որ հայ երիտասարդը պահանջատեր է, եւ անկախ նրանից՝ թե աշխարհի որ մասում է գտնվում, Հայ Դատին ասատր կկանգնի մինչեւ արդարացի լուծում: Վահրամ Հովսեփյանը հույս հայտնեց, որ եկող տարի Հայոց ցեղասպանության 100-ամյակին ընդառաջ Թուրքիան վերջապես կընդունի եւ կհատուցի իր ձեռքով կատարած 20-րդ դարի առաջին ցեղասպանության, Հայոց ցեղասպանության համար:

Արցախի ԿԿ ներկայացուցիչ Դավիթ Իշխանյանն իր ելույթի շեշտադրումն

ուղղեց Ռեջեփ Թայիբ Էրդողանի՝ Հայոց ցեղասպանության 99-րդ տարելիցի նախօրյակին կատարած հայտարարությանը:

«Մենք չենք հավատում սա ոչ ներդրություն է, ոչ էլ հայ ժողովրդի առջեւ խոսարհումի քայլ, այլեւ ուրացումի գործողություն, հայ ժողովրդի պահանջատիրության, Հայոց ցեղասպանության 100-ամյակին ուղղված հայոց հզոր ալիքին հակադարձելու փորձ: Ցեղասպանությունը կրկնվեց նաեւ 1988-ին, 1990-ին, 1991-ին, եւ Արցախյան շարժումը կանխեց նոր ցեղասպանությունների իրագործումը: Այսօր շահակիր երիտասարդությունն այստեղ ներկա է, ներկա է իր մշտադրոշմ շահով, այն շահով, որ մեր սերունդը փոխանցեց ձեզ: Այդ շահը պետք է փոխանցեց նաեւ ձեր սերունդներին: Մենք մեր իրավունքների տերն էինք, տերն ենք եւ տերը կլինենք»,- նշեց նա:

Ինչպես անցյալ տարի, այս տարի եւս շահերով երթին մասնակցեց ԼՂԶ մշակույթի եւ երիտասարդության հարցերի նախարար Նարինե Աղաբալյանը: Հավաքվածներին ուղղված իր խոսքում նա նշեց, որ ամեն տարի ապրիլի 23-ին կազմակերպվող շահերով երթը եւ մոմավառությունը վկայում են, որ մեկ ու կես միլիոն անմեղ գոհերի հիշատակին վառվող կրակը տարիների հետ ոչ թե մարում է, այլեւ ավելի է բորբոքվում վերածվելով ցամաքի եւ բողոքի:

«Ճանաչել, դատապարտել, հատուցել՝ սա է համայն հայության պահանջը: Այսօր այդ պահանջին միացել է Արցախի երիտասարդությունը, այն սերունդը, որը ծնվել է արյամբ ազատագրված հողում՝ ի հեճուկս մեր դարավոր թշնամու, ի հեճուկս բոլոր նրանց, ովքեր երազում էին հայի նախնիքը կազմակերպել այս անգամ Արցախում»,- ասաց նա:

Ելույթներից հետո Հայոց ցեղասպանության մասին տեսաֆիլմ ցուցադրվեց, այնուհետեւ ելույթով հանդես եկավ «Մոակած» երգչախումբը:

«ԱՊՍՈՍԺ»

Փարիզում հայ երիտասարդներ են ձեռքակալվել Հայոց ցեղասպանության հատուցմանն ուղղված բողոքի ակցիայի համար

Ապրիլի 18-ին Փարիզի ժամանակով ժամը 5-ին ՀՀ-ի Ֆրանսիայի Նոր Սերունդ երիտասարդական միությունը բողոքի ակցիա էր կազմակերպել Փարիզի կենտրոնական Շանզելիզե փողոցում՝ Թուրքիայի դեսպանատան կից մշակութային ծառայության գրասենյակի դիմաց: Ֆրանսահայ երիտասարդները դատապարտեցին Թուրքիայի կողմից իրականացված հայերի ցեղասպանությունը և հատուցման պահանջ ուղղեցին Թուրքիայի կառավարությանը, ինչպես նաև Թուրքիային դատապարտեցին թուրքական իշխանությունների կողմից Հայոց ցեղասպանության ժխտման քաղաքականության ու Ջեսաբի վրա հարձակմանն օժանդակելու համար:



Շանզելիզեում գտնվող Թուրքիայի դեսպանատան կից մշակութային ծառայության գրասենյակի դիմաց երիտասարդները արյուն խորհրդանշող կարմիր ներկ թափեցին, այնուհետև մոտ 15 երիտասարդներ թուրքական մշակութային գրասենյակի դիմաց նստացույց արեցին՝ իրենց հետ կրելով պաստառներ, որոնց վրա ֆրանսերենով գրված էր «Արդարություն հայ ժողովրդին», «Թուրքիա, դուրս մեր հողերից» և հնչեցնում էին թուրքական իշխանությունների ժխտողական քաղաքականությունը դատապարտող կոչեր: Թուրքական գրասենյակի դիմաց փակցվել էր մեծ պաստառ, որի վրա գրված էր «Արդարություն և հատուցում Հայոց ցեղասպանության համար»: Երիտա-

սարդները բարձրաձայն հայտարարում էին, որ նույնիսկ հարյուր տարի անց տեղի չեն տա և կայացրեն միևնույն վերջ:

Ֆրանսիայի Նոր սերունդ երիտասարդական միությունից Aparaj.am-ին հայտնեցին, որ բողոքի ակցիայի մեկնարկից մոտ մեկ

մադրություն ցույց չտվին ոստիկաններին, սակայն 7 երիտասարդների ձեռքակալեցին և տարան ոստիկանական բաժանմունք, մոտ երկու ժամ անց 6 երիտասարդների բաց թողեցին՝ ոստիկանական բաժանմունքում պահելով ՀՀ-ի Նոր Սերունդ երիտասարդական միության ատենապետ

Լորիս Թուֆանյանին: Բողոքի այդ ակցիան նպատակաուղղված էր Հայոց ցեղասպանության 100-ամյակին ընդառաջ բողոքի հիշեցնելու 1915թ. հայ ժողովրդի հետ տեղի ունեցածի և Հայոց ցեղասպանության հանցագործության մեջ թուրքական պետության պատասխանատվության մասին: Նոր Սերունդի երիտասարդները եւս մեկ անգամ թուրքական պետությանը եւ ողջ աշխարհին հիշեցրեցին հայ ժողովրդի արդար պահանջների մասին: «Պատմության այդ էջը կարելի է շրջել, երբ հայ ժողովրդի ունեցվածքը վերադարձվի, հատուցվեն կորուստները եւ հայ ժողովրդի արժանապատվությունը վերականգնվի: Այդ ամենը պետք է արվի հանուն արդարության, որից հետո միայն կերպաշավորվի մայրուն խաղաղությունը»,- ասված է Նոր Սերունդի տարածած հայտարարության մեջ:

Վահե ՀԱՐՈՒԹՅՈՒՅԱՆ

Հանդիպում ԱՄՆ մի խումբ կոնգրեսականների հետ

Ապրիլի 25-ին ՀՀ-ում ԼՂՀ մշտական ներկայացուցչությունում Արցախի Հանրապետության նախագահ Բակո Սահակյանը հանդիպում է ունեցել ԱՄՆ մի խումբ կոնգրեսականների հետ՝ Ներկայացուցիչների պալատի արտաքին հարաբերությունների հանձնաժողովի նախագահ Էդ Ռոյսի գլխավորությամբ:

Հանդիպմանը քննարկվել են ադրբեջանա-դարբադյան հակամարտության կարգավորմանը, տարածաշրջանային գործընթացներին վերաբերող մի շարք հարցեր: Երկուստեք կարևորվել է հակամարտության խաղաղ կարգավորումը ԵԱՀԿ Մինսկի խմբի շրջանակներում:

Նախագահ Սահակյանը նշել է, որ պաշտոնական Ստեփանակերտը կարելի է համարում ԱՄՆ-ի հետ հարաբերությունների զարգացումը՝ դիտարկելով այն որպես բարեկամ երկիր, որտեղ բնակվում են միլիոնավոր հայեր:

Հանդիպմանը մասնակցում էին ԼՂՀ արտաքին գործերի նախարար Կարեն Միրզոյանը, ԱՄՆ Հայ Դատի հանձնախմբի մի խումբ անդամներ՝ նախագահ Զեն Խաչիկյանի գլխավորությամբ, պաշտոնատար այլ անձինք

Սեփ.ԼՐԱՏՎՈՒԹՅՈՒՆ

Ֆրանսուա Օլանդը 2015 թվականի ապրիլի 24-ին կլինի Հայաստանում

Ֆրանսիայի նախագահ Ֆրանսուա Օլանդը հայտարարել է, որ 2015թ. ապրիլի 24-ին կայցելի Երևան՝ Հայոց ցեղասպանության 100-ամյա տարելիցի օրը Հայաստանի կողքին լինելու նպատակով: Այս տարի Ֆրանսուա Օլանդը մասնակցել է Հայոց ցեղասպանության գոհերի հիշատակին նվիրված միջոցառմանը, որը տեղի է ունեցել Փարիզում, Սենա գետի ափին տեղակայված Կոմիտասի հուշարձանի առջև:

Պետության ղեկավարը հիշեցրել է, որ իր երկիրն ընդունել է Ցեղասպանությունը ճա-

նաչող օրենք դեռևս 2001-ին և մշտապես արդարության կոչով է հանդես գալիս:

«Այս ողբերգությունը միայն մեկ բառով կարելի է կոչել՝ ցեղասպանություն, այլ բառ գոյություն չունի», - ասել է նա: Մի քանի անգամ կրկնելով Գոցոցե բառը՝ Ֆրանսուա Օլանդն անհանդուրժելի է համարել ոչ միայն Թուրքիայի, այլև այլ երկրների հրաժարումն այս բառը հնչեցնելուց:

«Մենք բարձր ենք գնահատում հայ համայնքի դերը մեր հանրապետությունում և շատ լավ գիտենք, թե ինչեր են արել մեզ

համար հայերը: Նրանք Ֆրանսիայի արժանապատիվ քաղաքացիներ են եղել և մշտապես երախտագիտությամբ են պատասխանել իրենց հյուրընկալող երկրին: Ես էլ ձեր կողքին եմ, այսինքն՝ արդարության կողքին», - նշել է Ֆրանսուա Օլանդը:

Ֆրանսուա Օլանդն առաջընթաց է համարել Թուրքիայի վարչապետ Ռեջեփ Թայիփ Էրդողանի՝ Հայոց ցեղասպանության գոհերի հիշատակման օրվա կապակցությամբ առաջին անգամ արված ուղերձը, սակայն դա անբավարար է գնահատել: Ժ-

ղովրդական շարժման միությունը ներկայացնող պատգամավոր Պատրիկ Դեյեյանը նշել է, որ մայիսին Երևանում Օլանդը հանդես կգա հստակ ուղերձով:

«Այն մոտ կլինի ժակ Շիրակի և Լիկոլա Սարկոզիի ուղերձներին, որոնք կոչ են արել Թուրքիային ճանաչել Հայոց ցեղասպանությունը», - ասել է պատգամավորը:

Ա. ՆԱՐԻՆՅԱՆ

Ուկրաինայի դեպքերը ցույց տվեցին, որ պետք է դարաբաղյան հարցում որոշակի արդյունքների հասնել. ԵԱՀԿ ԽՎ ղեկավար

Բաքվում պաշտոնական այցով գտնվող ԵԱՀԿ Խորհրդարանական վեհաժողովի ղեկավար, Չեռնոգորիայի խորհրդարանի նախագահ Ռանկո Կրիվոկապիչը տարօրինակ հայտարարություն է արել՝ կապելով Ուկրաինայում տեղի ունեցող դեպքերն արցախյան հակամարտության հետ: Բաքվում լրագրողների հետ հանդիպման ժամանակ նա հայտարարել է, որ Ուկրաինայում տեղի ունեցող իրադարձությունները ցույց են տալիս դարաբաղյան հակամարտության մոտ ապագայում կարգավորման կարելիությունը:

«Ներկայումս մենք ԵԱՀԿ նախագահի հետ ձգտում ենք Լեռնային Ղարաբաղի հակամարտության կարգավորմանն ուղղված հարցով ԵԱՀԿ Մինսկի խմբի գործունեության մեջ լուրջ առաջընթացի հասնել: Մեր նպատակն է՝ հասնել լուրջ արդյունքների, քանի որ Ուկրաինայում վերջին իրադարձությունները ցույց են տվել, որ մենք պետք է լարված աշխատանքներ տանենք դարաբաղյան հակամարտության հարցով և մոտ ապագայում որոշակի արդյունքների հասնենք Լեռնային Ղարաբաղի խնդրում»: Այս մասին հաղորդում է արդեթանական APA լրատվական գործակալությունը:

Թե ինչ առնչություն ունի արցախյան խնդիրը Ուկրաինայում տեղի ունեցող իրադարձությունների հետ, պաշտոնյան չի

մանրամասնել: Նա նաև ասել է, որ վերջերս հանդիպել է Ռուսաստանից մի քանի պատգամավոր-

Նա նաև նշել է, որ ԵԱՀԿ խորհրդարանական վեհաժողովը կայուն դիրքորոշում ունի դարաբաղյան հակամարտության վե-



ների հետ: «Ես հայտնեցի ԵԱՀԿ և այլ միջազգային կազմակերպությունների հակամարտությունների վերաբերյալ սկզբունքային դիրքորոշումը: Հայտարարեցի, որ մեր նպատակն այն է, որ մարդիկ բարեկեցիկ ապրեն, և որ երկրների տարածքային ամբողջականությունը չխախտվի», - ասաց Ռանկո Կրիվոկապիչը:

րաբերյալ: Դա 1996 թվականի Լիսաբոնի և նորագված Մադրիդյան սկզբունքներն են: ԵԱՀԿ-ն աշխատում է այդ փաստաթղթերին և միջազգային իրավունքի սկզբունքներին հետեւելով՝ հավելելով, որ իրենք ԵԱՀԿ գործող նախագահի հետ միասին ձգտում են ակտիվացնել Մինսկի խմբի գործունեությունը Լեռնային Ղարաբաղի հակամար-

տության լուծման ուղիներ գտնելու համար:

Ի դեպ, արդեթանական լրատվամիջոցները տարածել են, որ ԵԱՀԿ Խորհրդարանական վեհաժողովի ղեկավար Ռանկո Կրիվոկապիչը նշել է նաև, որ ԵԱՀԿ-ն միշտ աջակցել է Արցախի տարածքային ամբողջականությանը և ինքնիշխանությանը: Սակայն, թե որքանով է հավաստի այս վերջին տեղեկությունը, դժվար է ասել, քանի որ արդեն հայտնի են դեպքեր, որ մեր հարեան երկրի լրագրողները զբաղվել են կեղծարարությամբ և վերափոխել են օտարերկրյա պաշտոնյաների հայտարարությունները: Համեմատյալ դեպք, հայկական կողմն այդ կապակցությամբ պետք է պաշտոնական մեկնաբանություն պահանջի ԵԱՀԿ-ից, քանի որ ԵԱՀԿ-ն բազմից հայտարարել է, որ արցախյան հակամարտությունը պետք է կարգավորվի 3 սկզբունքների՝ ազգերի ինքնորոշման իրավունքի, տարածքային ամբողջականության և ուժի չկիրառման հիման վրա, և դրանք դիտարկվում են համահավասար, իսկ այս դեպքում տարածքային ամբողջականության սկզբունքը վեր է դասվում մյուսներից:

Վ. ՀԱՐՈՒԹՅՈՒՅԱՆ

Աշխարհն ապրիլի 23-24-ին. ֆոտոշարք



Ստեփանակերտ, Արցախ



Փարիզ, Ֆրանսիա



Բուենոս Այրես, Արգենտինա

Ամեն տարի Հայոց ցեղասպանության տարելիցին աշխարհասփյուռ հայությունը ոգեկոչում է անմեղ զոհերի հիշատակը և հանդես գալիս պահանջատիրական կոչերով: Աշխարհով մեկ սփռված հայերը այդ օրերին միաձայն պահանջում են արդարություն և հատուցում: Փարիզից մինչև Լոս Անջելես, Բեյրութից մինչև Մոսկվա համայն հայությունը ոգեկոչում է Մեծ եղեռնի զոհերին և իր բողոքի ձայնը բարձրացնում:

Ներկայացնում ենք ապրիլի 23- 24-ը աշխարհի տարբեր վայրերում տեղի ունեցած՝ Հայոց ցեղասպանության ոգեկոչման նվիրված միջոցառումների ֆոտոշարք:



Բեյրութ, Լիբանան



Մոսկվա, Ռուսաստան



Զապադը



Աթենք, Հունաստան



Լոս Անջելես, ԱՄՆ



Երեւան, Հայաստան

«Ապառաժ» երկշաբաթաթերթ
Ստեփանակերտ, Կոմունյանց 17,
հեռ. 97 38 43, E-mail: info@aparaj.am
Կայքէջ՝ www.aparaj.am

Նյութերի համար պատասխանատու են հեղինակները: Թերթը կարող է տպագրել նաև նյութեր, որոնցում արժարժված տեսակետները չի կիսում: Տպագրվում է Ստեփանակերտի «ԴԻՉԱԿ ՊԼՅՈՒՄ» ՍՊԸ-ում: Գրանցման վկայական՝ 04: Տպաքանակը՝ 500: Գինը՝ 100 դրամ:

Խմբագիր
ՍԵՆԱԿ ԽԱԶԱՏՐՅԱՆ